

Priopćenje za javnost povodom sudskih zabrana "Dnevnom avazu" i "Danima" 10.09. 2003

Reakcija Vijeća za tisak BiH na odluku Kantonalnog suda u Sarajevu o zabrani daljeg pisanja Dnevnom avazu o g. Hilmi Selimoviću i g. Muhamedu Ajanoviću; kao i magazinu Dani o g. Fahrudinu Radončiću

Vijeće za tisak Bosne i Hercegovine je veoma razočarano odlukama Kantonalnog suda u Sarajevu o zabrani daljnjeg pisanja Dnevnom avazu i magazinu Dani. Vijeće za tisak se zalaže za samoregulaciju tiskanih medija, svjesni činjenice da u demokratskim društvima pravila koja nameće sama profesija imaju više efekta od pravila koje nameće sud, te tako imaju i veći autoritet.

Kako je već pokazala praksa u većini evropskih zemalja, samoregulacija predstavlja bolju opciju od sudskog reguliranja jer je besplatna, brža i efikasnija. Da su u ovim slučajevima jednostavno poštovane odredbe jedinstvenog Kodeksa za tisak, usvojenog od strane svih postojećih medijskih udruga, ne bi došlo do sudskih odluka.

Odgovornost medija mora postojati kako bi se postigli visoki standardi u novinarstvu. Vijeće za tisak se zalaže za slobodu tiska ali i štiti građane od zloupotrebe te slobode, dok istovremeno s posebnom pažnjom prati dešavanja koja imaju uticaj na javni interes.

-kraj-

Dalje informacije: Edina Haverić Hawton, menadžer za medije i informiranje javnosti Telefon: 033 272 270/271 ili e-mail: info@vzs.ba